



Broj: 01/1-50-1-1-98/10
Sarajevo, 12.4. 2010. godine

Z A P I S N I K

98. sjednice Ustavnopravne komisije

Sjednica je održana 12. 4. 2010., s početkom u 10 sati.

Sjednici su prisustvovali članovi Komisije: Šefik Džaferović, Adem Huskić, Velimir Jukić, Lazar Prodanović, Halid Genjac i Momčilo Novaković.

Članovi Komisije Drago Kalabić, Ekrem Ajanović i Martin Raguž nisu prisustvovali sjednici.

Osim članova Komisije, sjednici su prisustvovali predstavnici: Ministarstva pravde BiH Fazila Musić, Bojan Ninković i Milana Popadić, Ministarstva prometa i komunikacija BiH Kojo Koprivica, Agencije za osiguranje BiH Samir Omerhodžić, OHR-a Jelena Despot, USAID-a Nedim Hogić, poslanik Remzija Kadrić, iz Zakonodavno-pravnog sektora PSBiH Aida Kreho te iz Sektora za odnose s javnošću PSBiH Zoran Brkić.

Sjednici su prisustvovali i sekretar Komisije Igor Bajić i savjetnik Nedžad Salman.

Nakon rasprave, Komisija je jednoglasno usvojila sljedeći

D N E V N I R E D

1. Usvajanje zapisnika 96. i 97. sjednice Ustavnopravne komisije;
2. Prijedlog zakona o primjeni rezultata analize dezoksiribonukleinske kiseline u sudskim postupcima, broj: 01,02-02-5-9/10, od 25. 1. 2010., predlagač: Vijeće ministara BiH (**postupak u nadležnoj komisiji – amandmanska faza, u skladu s članom 110. Poslovnika Doma**);
3. Prijedlog zakona o izmjenama i dopunama Zakona o radu u institucijama Bosne i Hercegovine, broj: 01,02-02-7-11/10, od 28. 1. 2010., predlagač: Vijeće ministara BiH (**postupak u nadležnoj komisiji – amandmanska faza, u skladu s članom 110. Poslovnika Doma**);
4. Ostala pitanja
 - Zahtjev za autentično tumačenje odredbi člana 2. stav (1) i člana 9. stav (6) Zakona o Agenciji za osiguranje u Bosni i Hercegovini („Službeni glasnik BiH“, broj 24/05), podnosilac: Agencija za osiguranje u BiH, broj: 01,02-50-2-1413/09, od 21. 12. 2009., s Mišljenjem Vijeća ministara BiH broj: 05-02-1-372-35/10, od 12. 2. 2010. (**razmatranje zahtjeva u skladu s članom 137. stav (4) Poslovnika Doma**),
 - Zahtjev za autentično tumačenje člana 10. stav (5) tačke c) Zakona o poštama Bosne i Hercegovine („Službeni glasnik BiH“, broj 33/05), podnosilac: Agencija za poštanski saobraćaj BiH, broj: 01,02-50-2-1394/09, od 15. 12. 2009., s Mišljenjem Vijeća ministara BiH broj: 05-02-4097/09, od 25. 2. 2010. (**razmatranje zahtjeva u skladu s članom 137. stav (4) Poslovnika Doma**).

Ad.1. Usvajanje zapisnika 96. i 97. sjednice Ustavnopravne komisije

Komisija je, nakon rasprave, jednoglasno usvojila zapisnike 96. i 97. sjednice.

Ad.2. Prijedlog zakona o primjeni rezultata analize dezoksiribonukleinske kiseline u sudskim postupcima, broj: 01,02-02-5-9/10 od 25. 1. 2010., predlagač: Vijeće ministara BiH (postupak u nadležnoj komisiji – amandmanska faza, u skladu s članom 110. Poslovnika Doma)

Predsjedavajući je otvorio raspravu u kojoj su učestvovali članovi Komisije: Lazar Prodanović, Adem Huskić, Halid Genjac i Šefik Džaferović.

Nakon rasprave, Komisija je jednoglasno odlučila da se ova tačka dnevnog reda razmatra na 99. sjednici Komisije, koja je zakazana za 19.4.2010.

Ad.3. Prijedlog zakona o izmjenama i dopunama Zakona o radu u institucijama Bosne i Hercegovine, broj: 01,02-02-7-11/10, od 28. 1. 2010., predlagač: Vijeće ministara BiH (postupak u nadležnoj komisiji – amandmanska faza, u skladu s članom 110. Poslovnika Doma)

Predsjedavajući je otvorio raspravu u kojoj su učestvovali članovi Komisije: Momčilo Novaković, Lazar Prodanović i Šefik Džaferović te predstavnik Ministarstva pravde BiH Fazila Musić.

Ustavnopravna komisija zatražila je od Ministarstva pravde BiH koje je pripremalo Prijedlog zakona da, u roku od sedam dana, članovima Komisije dostavi izjašnjenje o svakom od 31 podnesenog amandmana na ovaj prijedlog zakona.

Komisija je jednoglasno odlučila da se ova tačka dnevnog reda razmatra na 99. sjednici Komisije, koja je zakazana za 19.4.2010.

Ad.4. Ostala pitanja

- **Zahtjev za autentično tumačenje odredbi člana 2. stav (1) i člana 9. stav (6) Zakona o Agenciji za osiguranje u Bosni i Hercegovini („Službeni glasnik BiH“, broj 24/05), podnosilac: Agencija za osiguranje u BiH, broj: 01,02-50-2-1413/09, od 21. 12. 2009., s Mišljenjem Vijeća ministara BiH broj: 05-02-1-372-35/10, od 12. 2. 2010. (razmatranje zahtjeva u skladu s članom 137. stav (4) Poslovnika Doma)**

Predsjedavajući je otvorio raspravu u kojoj su učestvovali članovi Komisije Momčilo Novaković, Halid Genjac, Velimir Jukić i Šefik Džaferović te predstavnici Ministarstva finansija i trezora BiH i Agencije za osiguranje BiH.

Nakon rasprave, Komisija je jednoglasno usvojila prijedlog predsjedavajućeg da se predlaže predstavnicima Ministarstva finansija i trezora BiH, Agencije za osiguranje BiH i entitetskih agencija za osiguranje da pokušaju usaglasiti stavove u vezi s podnesenim zahtjevom za autentično tumačenje, te da o ishodu, u roku od 15 dana, obavijeste Ustavnopravnu komisiju.

- **Zahtjev za autentično tumačenje člana 10. stav (5) tačke c) Zakona o poštama Bosne i Hercegovine („Službeni glasnik BiH“, broj 33/05), podnosilac: Agencija za poštanski saobraćaj BiH, broj: 01,02-50-2-1394/09, od 15. 12. 2009., s Mišljenjem Vijeća ministara BiH broj: 05-02-4097/09, od 25. 2. 2010. (razmatranje zahtjeva u skladu s članom 137. stav (4) Poslovnika Doma).**

Predsjedavajući je otvorio raspravu u kojoj su učestvovali članovi Komisije Momčilo Novaković i Šefik Džaferović te predstavnici Ministarstva prometa i komunikacija BiH i Agencije za poštanski saobraćaj BiH.

Nakon rasprave, Ustavnopravna komisija jednoglasno je ocijenila da je odredba člana 10. stav (5) tačka c) Zakona o poštama Bosne i Hercegovine jasna i da je nije potrebno tumačiti.

Postupak za autentično tumačenje navedenih pravnih normi obustavlja se.

Sjednica Komisije završena je u 12 sati.

SEKRETAR KOMISIJE
Igor Bajić

PREDSJEDAVAJUĆI KOMISIJE
Šefik Džaferović